

Nuuk, den 4. juli, 2016

Inatsisart suleriaasianni § 37 naapertorlugu Naalakkersuisunut imak apeqquteqaateqarpunga:

Naalakkersuisunut apeqqutit:

1)

2012-imi Naalakkersuisut isummiuppaat " Namminersorlutik oqartussanit pigineqartunik ingerlatseqatigiiffinnik aqutsilluarnissamut najoqqutassiat" ¹.

Tassani saqqummiunneqarput Namminersorlutik oqartussanit pigineqartunik ingerlatseqatigiiffinni siulersuisini ilaasortanut innersuusutit arlaqaqisut.

- a) Najoqqutasianut taakkununnga allannguutissanik piareersaasoqarpa? Taamaappallu qaqugu pissappat aamma sooq allannguisoqassava?
- b) Qanoq iliuuseqarlutik Naalakkersuisut malitseqartitsippat siulersuisut attaviitsuunissaannik aalajangersakkanut, soorlu taakku immikkoortoq 5.3-mi allaaserineqarsimasut?
- c) Najoqqutassiami takuneqarsinnaavoq whistleblowereqarnissaanik pilersitsisoqartariaqartoq, inatsisitigut tunngaviusut inissippata. Naalakkersuisut suliffeqarfinnut pigisaminnut piumasarisaasut naammassineqartalernissaat ukiuni aggersuni piumasarilersaappaat?

2)

Aprilimi 2015-imi Naalakkersuisunit ilisimatinneqarpunga 2015-ip naanerani pinerlulluni ingerlatseratarsinnaanissamut iliuusissanik Namminersorlutik Oqartussani tamarmi atuutitsisoqalissasoq. Tamanna piviusungorpa? Taamatut politikkeqalernissaq atuutilererneratigut nalilersorneqarpa naalakkersuisoqarfinnilu suleriaatsinik allanguinernik kinguneqarsimava?

3)

2014-imi nunatsinni inatsisit Arhusimi isumaqatigiissummut² naapertuunneranik nalilersisumik inatsisilerituutut suliamik saqqummiussisoqarpoq. Suliaq Pinngortitamut Avatangiisinullu naalakkersuisoqarfimmit imissutigineqarsimavoq. Maanna ukiut marluk qaangiutereerput.

¹

http://naalakkersuisut.gl/~media/Nanoq/Files/Attached%20Files/Bestyrelsessekretariatet/Retningslin_god_selskabsledelse_dk.pdf
http://naalakkersuisut.gl/~media/Nanoq/Files/Attached%20Files/Bestyrelsessekretariatet/Retningslin_god_selskabsledelse_gl.pdf

²

<http://naalakkersuisut.gl/~media/Nanoq/Files/Attached%20Files/Miljoe/Gr%C3%B8nlandsrapport%20%C3%85rhuskonventionen%20dk.pdf>
<http://naalakkersuisut.gl/~media/Nanoq/Files/Attached%20Files/Miljoe/Gr%C3%B8nlandsrapport%20%C3%85rhuskonventionen%20grl.pdf>

Naaja H. Nathanielsen

Attavitsoq / Løsgænger

- a) Inatsisilerituutut suliap innersuussutai Naalakkeruisunit atuuttunngortinniarneqalereerpat?**
- b) Naalakkersuisut innersuussutaasut tamakkiisut aalisarnermut inatsimmi, aatsitassarsiornermut inatsimmi, maalaarsinnaatitaanermut sulianullu paasiniaasinnaatitaanernut malitarisassanut atuutsitsilersaarpas? Taamanngippat: Innersuussutit sorliit malinniarneqanngillat, aamma sooq malinniarneqanngillat?**

(Inatsisartuni ilaasortaq, Naaja H. Nathanielsen, attaviitsoq)

Tunngavilersuut

Ukiuni arlalinngortuni pissuserissaarnerusimavoq isertuanngitsumik ingerlatsineq (transparens) innuttaasunillu peqataatitsineq. Tamakkulu anguniarlugit ukiuni kingulerni assigiinngitsutigut iliuuserpassuaqarsimavoq. Iliuuseriniakkallu ilumut atuutivinneqarnersut nalilorsorneqarsimanersullu apeqquataavoq.

Paasisinnaavara apeqquutigineqartut akiniarnissaat sulikkiissutaangaatsiarmat, tamaattumik ullut suliffiusut 20-it qaangutsinnagit aatsaat akineqarnissaat piumasaraara.s